



《續修四庫全書》編纂委員會編

續修四庫全書

上海古籍出版社

九四六・子部・儒家類

弘道書三卷	〔清〕費密撰	一
論學酬答四卷	〔清〕陸世儀撰	六七
靜怡齋約言錄二卷	〔清〕魏裔介撰	一一三
庸言一卷	〔清〕魏象樞撰	一五五
朱止泉先生朱子聖學考略十卷提要一卷正訛一卷附錄一卷宗朱要法一卷		
校勘記一卷	〔清〕朱澤澧撰	一六七
存性編二卷	〔清〕顏元撰	六三三
存學編四卷	〔清〕顏元撰	六五七

2448/06

弘道書

〔清〕費密撰

據復旦大學圖書館藏民國九年
大關唐氏怡蘭堂刻本影印原書
版框高二〇九毫米寬三〇四毫米

弘道書

大關唐氏案定方康申秋
成都葉沆趙熙題

弘道書 叙

叙

大關唐氏怡蘭堂多傳書香祕笈而精刊之其間於蜀故
君此度之佳好事者求之二百年不遇也費君巨訖鳴王貽上
推高之今燕峯註甚壯世傳三費訖則其父徑虞先生為得
風人之旨子滌衡固沈懇士所併疑又獲於燕峯也荒書紀
一時寇敵讀史者資焉其政論學術殷然若不獲已者則宏
道書為尤懿其書惻世難非明代疏懷之習舉漢呂來所治
學范宋諸儒流造者東之聖論驗得失之必於未有顧閣目前
蓋千百中不稱一二也士不遠通人殊一守一鄉先生呂曲學
相擅既已歆心一聞之市奉身呂充下陳陽而不知其恥孟
子曰人之所召異於禽獸者幾希足又鄉者鄉曲之所羞也
費君東家訓能及孫夏峰之門故非呂隨自國晚而播聞
江左不靡其風尤古儼充自樹主者唐子廣而使之覘其遺
絢室呂厲澆風也榮縣趙熙

續修四庫全書 子部 儒家類

弘道書序

聖人之道著在六經七十子傳之漢唐先儒繼之以實學裁成英
俊各適於用長久治安也天縱聖哲千齡百紀不易觀古今人才
計之大都非狂則狷者多不以中道損益任其所偏則流放無底
而材不達矣故一歸於學子以四教文行忠信是也所處不過飲
食男女之閒所習不過兵農禮樂之事非有高遠絕倫杳渺難知
之微妙也使狂者有卓識宏量之美而無誇肆虛誕之失狷者有
篤守善道之益而無膠固僻陋之弊仕則能爲黔首足衣食明禮
義捍兵革澤潤當時功貽後世堯舜以來用人治天下不外於此
豈必若後儒高談無極靜坐窮理然後謂之道哉夫切於國計民
生一日不可少者皆以爲餘事卽果至靜復性豁然貫通二氏之

弘道書序

一 怡蘭堂校刊

徒所能耳何益於世道何補於朝廷此吾師費夫子父子相承著
書救弊之大旨也蓋自道德性命之理出而人才失濂洛關閩之
說行而經術變學者皆棄實就虛擿埴塗久矣童幼專制義稍
長習詞賦所挾持以爲立身行道之具者宋傳而已其於聖門古
經漢儒中正之學蒙然莫識也乙丑秋遇吾師於寶店野寺此後
時間緒論有顯者饒章金章怒揮之吾師退曰子之行高矣未免
過峻非聖人和平之道也章惕然於中痛自貶抑遂居講下十年
以來少聞古人淵源之學於經濟實有裨益非性命空言美觀飾
聽已也吾師早罹離亂避跡江左四十年鍵戶村落不修名譽今
七十一矣耆齒宿德止宜講業齊魯之都發揮六經本旨乃二年
前入閩爲嵐氣所侵遂得末疾步履艱難采輯儒林並論道諸書

以貧不能繕有定本章力任之而量移入滇尙未能也方今
聖主在上崇儒重道而公卿侍從彬彬儒雅風動四方章躬逢其
盛豈不大幸歟

康熙乙亥長至大陵門人張含章敬序

弘道書序

二 怡蘭堂校刊

題辭

弘道書尊聖門舊章之論也舊章古經存之所謂道皆先王政教
章程立國宜家之典所謂學悉教孝弟而說詩書雖上下不齊易
知易能若行之則爲事業言之則爲羽翼經傳並非談性鑿理成
幽杳不可致詰諸儒力辨已久散見先輩集中師翁費孝貞先生
始會粹而昌言之期輔後世談經相率而入於浮虛者還聖門六藝
以濟實用而已吾師世其家學直從古經舊注發明吾道定旨謂
三代而後漢唐以下賢主得良臣輔之皆綱維倫紀功在天下序
古今有道之君爲統典序古今文武忠義爲彌輔錄序錄七十子
傳人爲道脈譜而後漢唐諸儒不致荒棄容城孫徵君稱爲漢儒
知己三者倘而後聖門之學始全古經之旨始備合爲中傳正紀
上宣王政下厚風俗深潛撰著未常輕出示人年老門人乃得錄
副本天下之大百世之遠好學深思之君子甚眾必有起而公論
者矣
康熙辛未春日門人新安蔡廷治謹書

弘道書題辭

怡蘭堂校刊

弘道書目錄

卷上

統典論

天子統道表一

大統相繼表一

彌輔錄論

文武臣表一

道脈譜論

七十子傳人表一

古經旨論

祖述憲章表一

弘道書目錄

怡蘭堂校刊

原教

古教定制表一

聖人取人定法論

中行狂狷表一
元闕

卷中

祀先聖禮樂舊制議

先師位次舊制議

先賢封爵舊制議

七十子爲後一例議

從祀舊制議

先王傳道述



先王傳道表一

聖門傳道述

聖門傳道表一

吾道述

本旨變說表一

卷下

聖門定旨兩變序記

附

李元綱聖賢事業圖

陶九成三教一源圖

黃卷道統正系圖

弘道書 目錄

王道久而漸變遂分表一

二 怡蘭堂校刊

大關唐氏怡蘭
堂校琴弓成都

弘道書上

統典論

學人 成都費 密議述

尙書聖賢精義錄二典十異本始義農紹休太古邃渺厯數綿絡元
睿土德天命垂御啟禮應器覆澤蒸黎開弘漬漸累代褒宣堯舜
陟位哲文恭沿光格裔海三王咸亨國久遠治化敦淳承遺謨訓
周監二代王道克茂風教隆溢孔子述憲典文以待後世帝王有
所據依因時爲政濟世安民者也費經虞曰後世言道統徐學謨
云道統之說孔子未言也乃爲實論矣不特孔子未言七十子亦
未言七十子門人亦未言百餘歲後孟軻荀卿諸儒亦未言也世
日以變道日以消漢儒始得奉聖人所言先王成法尊護守衛相
投有緒布爲政也安平易行者爲言也篤實可用通出處爲一亦
何嘗有道統之說哉魏晉而後清談言道去實而就虛陋平而喜
高歲遷月改流傳至南宋遂私立道統自道統之說行於是義農
以來堯舜禹湯文武裁成天地周萬物而濟天下之道忽焉不屬
之君上而屬之儒生致使後之論道者草野重於朝廷空言高於
實事世不以帝王繫道統者五六百年矣經文煌煌大訓乃爲蕪
亂寧可不正哉古之二帝三王皆在位倫無弗敘也政無弗平也
方隅無弗安而教化無弗行也其民淳質以下從上無所異趨君
師本於一人故爲統司馬遷曰天下重器王者大統傳天下若斯
之難也統止天子名之諸侯不敢與也況士乎後世聖人如孔子
不得在位列國殊政多未合於道各趨嗜好習久相化而道亡天

弘道書

十 怡蘭堂校刊

下日就沈溺孔子述往古以爲久遠安寧之本後世聽其損益道始有緒孔子在下君師分爲二人君師分則雜焉亂於道者其說多矣孔子道具而統失道在先王之事其得存也繫於孔子之言非事不足以定民志而養天下非言不足以記典章而教天下豈先王規程越品物之外孔子又欲託空言以爲道也懼先王所以仁天下者散亡不可收采一時失之千萬世失之聖王不與天下就龍宗子其言尙彰彰也飲食男女人之大欲存焉眾人如是也賢哲亦未嘗不如是也先王憂之謂欲不可縱亦不可禁者也不可禁而強禁之則人不從遂不禁任其縱則風俗日潰於是因人所欲而以不禁禁之制爲禮樂定爲章程其不率者俟之以刑使各平心安身而化孔子欲先王之政教行之於萬世而無斁也乃

弘道書

二

怡蘭堂校刊

以爲六經傳之而縣縣永存爲道脈矣故上之道在先王立典政以爲治其統則朝廷歷代帝王因之公卿將相輔焉下之道在聖門相授受而爲脈其傳則膠序後世師儒弟子守之前言往往行存焉苟無帝王受天明命宰育萬彙有磨礪一世之大權優善懲惡公卿行之以動蕩九服取儒生空辭虛說欲以行教化而淳風俗必不能矣王天下者之於道本也公卿行焉師儒言焉支也道者何射之鵠也大匠之規矩也入焉而各自有得者也遠射焉而中近射焉而中左射焉而中右射焉而中取其中不計其他也規之獲圓矩之獲方求其方圓不索於規矩之外也道若此止耳孔子教一人者所以教天下教弟子者所以教士大夫習之者易通教無煩臆也傳之者易曉學無艱深也其君子學古人官體國行政

以誨其族及於里黨其小人受以謹身因以善俗此先王所以爲道孔子之旨則然也以孔子之道自治則德修以孔子之道治天下國家則政備宗孔子則二帝三王之道可明矣故一於帝王道則爲統傳於孔子道則爲脈後儒飾虛矜肆以香冥不可致詰爲道枝辭爭辨爲學襲六經以就其私議於是性命之說出焉傳心之論起焉誕浮相尙聖王修身安人開國承家之實咸爲後儒所壞亂統也者道行於當時薄海內外莫不化洽也脈也者道傳於萬世王侯下逮庶人莫不取則也合歷代帝王公卿稱曰道統庶可也無帝王則不可謂之統矣上古其氣渾噩天道也包義盡卦爲畧神農作耒耜立市地道興矣舟楫弧矢杵臼衣裳始於黃帝人道漸大堯舜命官分州夏后成湯禮樂殊別周兼而文之人道

弘道書

三

怡蘭堂校刊

全矣東遷以後日就陵替孔子當其時欲以道興治天命不與先王所遺傳焉雖世異政殊後世修述尙與道不遠孔子雖位不同於二帝三王而聖則一七十子於孔子猶諸侯之於天子也松柏始生核焉耳櫟之分許長之寸許蟠於地而根之及其麗風日久遠也鉅本而蒼皮歧爲大柯枝葉蕃焉上古核也發農以來根也黃帝堯舜夏殷周秦兩漢而下歷代之君本也如漢之高光唐之太宗肅代皆與湯武中宣同功而文景明章與元魏孝文宋仁宗明宣孝皆與太甲成康同德堯舜之德雖盛不能安後世之民生湯武之功雖高不能救後世之殘暴故曰遞興遞廢勝者用事所受於天也累代帝王祿數歸而革命莫百年之倫紀賢君繼位德厚慶長民賴其福卽中材以下之主咸能安輯一世於當時何得

遂置之耶孔子修帝王之道爲萬世法本而大柯也分以爲枝七十子承焉傳焉後世之儒條葉豐茂而已非根不深非木不成非柯非枝不盛受雨露而滋養者條葉也夫德有大有小天命殊之人力異之可內省以曉也天命殊之何也子貢曰固天縱之將聖有若曰自生民以來未有盛於孔子人力異之何也孟軻曰冉牛閔子顏淵具體而微東方朔云顏淵如桂馨一不能至聖人顏淵山孔子如春風至萬物生閔子已然矣蓋千里奉一君則爲王百里一君則爲侯君七十五里三十里伯子男而已所得大所養多所立者尊自然之勢也天地之氣鍾爲數人或數十人則其德隆其道遠散而爲百千人末也已以百千人而欲至於德隆道遠之古人非愚則偏強焉先王文謨武畧聖人道全德備非後世之儒所敢輕擬守先王之法不知變通損益必塞而難施非法不可久也行法者未得先王之意云耳求聖人道德百之一以自淑學之修身可也取經傳之言而顛倒之穿鑿之強謂聖人如此吾學聖人遂得之如此自以爲古人與一世皆所未知而獨吾二人靜坐而得之以吾之學卽至聖人是孔子所不居七十子所未信孟軻荀卿諸儒所不敢後世儼然有之何其厚誣之甚與昔羣弟子以有若似聖人欲以事孔子者事之曾子不可子夏設教西河曾子責其擬於夫子有若子夏親傳道業在七十子中彬彬焉曾子且以爲不可擬於聖人後世之儒無所忌憚其見惡於曾子也深矣而況於帝王之統乎欲正道統非合帝王公卿以事爲要以言爲輔不可宋則議論爲蓋主實事爲末人主鎮撫四海提挈綱維士大夫協恭共濟政和化洽澤之渥者

弘道書


四 怡蘭堂校刊

當世蒙其休法之善者後世著爲令皆益治保民之大當遵經據史序上古及歷代爲統典昔先聖言殷因夏禮周因殷禮皆有損益百世可知且齊桓管仲尙稱一匡天下民受其賜而許以仁漢唐以來治亂不一睿帝哲王救民除暴因時爲政布惠敷恩宣衷古今興立學校使先王之典制不致盡沒黎庶之塗炭不致久困一時賴之數百年享之追繼三代無疑也歷世久遠諸儒皆無異辭何爲至南宋遂敢杜撰私議而悉謗毀黜削之謂秦漢而下詔令濟得甚事皆勢力把持牽滯過日司馬遷曰帝王者各殊禮而異務要以成功爲統紀漢繼五帝末流接三代統業晉袁宏云漢祖雖不以道勝御物羣下得盡其忠肅曹雖不以三代事主百姓不失其業靜亂庇人抑亦其次謂亞於堯舜禹湯文武可也乃遂不許列道統中承三代之後則秦誓次典謨訓誥內將爲大非矣不思孰甚惡可以繼聖門之旨而開後世之業況獨尊其黨之匹夫於年湮代隔已久妄以續二帝三王似聖賢之言僭名道統者也其語播流天下數百年僞談道不本於廟堂何以謂之儒說不序歷代何以知損益若不重述舊章道統還之帝王而舉諸儒公論後世不得立於聖門歷代不得顯加排擯則亦無當也已後儒以其僻說強辭竄入聖人之經擬聖人之德上附鄒魯此亦尉佗之黃屋左纓也君子或將計之與如是而後固說始可息偏行始可撥公論乃伸吾道乃正斯誠儒者不易之定論也先於統典論首錄之以爲言道之口

弘道書

五 怡蘭堂校刊

天子統道表




弘道書

木
怡蘭堂校刊

帝王爲道之本行之以公卿講之以師儒此支也古經舊旨先子遵奉畫爲此圖密受傳之

李實曰儒之道帝王之道非韋布之道也堯舜禹湯文武行道者也孔子明道者也子曰道其不行矣夫以爲明之不如行之也世以宋儒接道統而以孔子之道至二程而傳周程張邵之學至朱晦庵而集大成吾皆未敢信實易途皆進士長洲令

大統相繼表



以下遊二十一史相承脈數次序詳統典中

弘道書

七
怡蘭堂校刊

費密曰先子言帝王脈數皆天所命而兼人謀非盡人力可致也宜遵先聖孔子以秦誓繼典謨訓誥之旨取兩漢而下異姓受命之君接三代之後方合聖門舊法

弼輔錄論

帝王然後可言道統先子既已著論矣復命密焉帝王所以創其保土非一人之得已也皆有良臣爲之股肱焉心膂焉爪牙焉乃能永定弘業傳世葆位夫君猶五嶽四瀆名山大川也佐輔之臣則山之鉅木茂草鳥獸所棲息川之清波濔澗魚龍所鼓鬣也苟山童而川涸惡足以滂澗雨澤流行田疇蕃百穀以育士女乎惟大則天莫過於堯舜則四岳羣牧爲之輔大知恭己莫過於舜舜則佐以二十二人伊尹仲虺廿盤傳說周召畢散三代之隆咸是道也傳曰股肱良哉庶事康哉濟濟多士文王以寧未有帷幄無謀臣將帥乏忠鯁郡邑少循良不得羣策羣力而堪弘圖永世使天下蒙其休萬姓樂其生者也三代尙矣炎漢之興則蕭何張良曹

弘道書

怡蘭堂校刊

參韓信陳平婁敬滕公叔孫通鄧食其隨陸絳灌及孝文入續宋昌周勃馮唐張釋之孝武雄才鉅畧儒雅則公孫弘董仲舒兒寬篤行則石建石慶賢直則汲黯卜式推賢則韓安國鄭當時定令則趙禹張湯文學則司馬遷相如滑稽則東方朔枚阜應對則嚴助朱買臣麻數則唐都洛下閭協律則李延年運籌則桑弘羊奉使則張騫蘇武將率則衛青霍去病受遺則霍光金日磾孝宣承統而蕭望之梁丘賀夏侯勝韋玄成嚴彭祖尹更始以儒術進劉向王褒以文章顯將相則張安世趙充國魏相丙吉于定國杜延年治民則黃霸王成龔遂鄭弘召信臣韓延壽尹翁歸趙廣漢嚴延年張敞之屬世祖光復舊物得鄧禹馮異耿弇來歙祭遵宗均二十餘人昭烈以一旅祿禱有諸葛亮龐統法正費禪關羽張飛

趙雲黃忠其後諸人亡逝亮遂不能出討晉則何曾羊祜杜預衛瑾王濬山濤劉毅魏舒馬隆索靖劉琨祖逖其渡江也賴王導溫嶠周顒顧榮賀循周顗陶侃卞壺乃立東晉隋之楊素牛弘宇文慶史萬歲唐太宗之魏徵房玄齡杜如晦虞世南李靖李勣王珪薛收高季輔劉文靜張玄素尉遲恭長孫無忌馬周玄宗之姚崇宋璟張九齡其後三失京師賴郭子儀李光弼張巡李晟渾瑊馬燧而後定宋太祖太宗之趙普范質石守信曹翰潘美曹彬王溥王全斌即高宗南渡非呂好問韓世忠劉錡李綱宗澤岳飛趙鼎張浚朱勝非呂頤浩虞允文劉光世以六帝百五十年元太祖世祖統一中國其才亦多產於沙漠木華黎博爾朮博爾忽赤老溫布魯海牙安童廉希憲伯顏不忽木阿魯渾薩里阿沙不花拜住耶律楚材

弘道書

九

怡蘭堂校刊

許衡姚樞劉秉忠卽稱號立國傳世一方亦未有孤立而得之者魏之荀彧荀攸程昱郭嘉司馬懿辛毗典韋陳泰張遼許褚吳之張昭顧雍周瑜魯肅陸遜陸抗諸葛瑾宋齊梁陳亦不乏人元魏北齊北周五代十國南渡遼金史官所記不易盡書也開業之君發於草澤名卑勢微艱危百狀久而後集非文臣爲之謀無以懷將帥而料敵國非武臣爲之戰無以平紛擾而定四方守成之主承祖宗丕緒統一寰區撫育六合自有萬幾勵精勤惕布恩膏雍問閭必文臣理於內國邊陲奮威紀必武臣振於外國家倚之羣黎庇之文武臣工天子之左右手也自古鮮四海雍洽百年無一驚擾之時蟲蝗水溢悍卒叛臣往往而有洛水九載於堯矣大旱六祀於湯矣甘戰崇伐見於夏啟周文之世所賴世生仁聖憂存

民瘼公卿將相效其謀文武羣工盡其力捕蝗疏川陸輸舟移將帥徵兵懷柔討叛救愚夫愚婦於湯火死亡之中不然則戶口彫散郡邑殘失枕尸溝渠荒亂無已而生民少遺類矣況乎冲主危邦保艾宗廟內外諸司精白輪囷至於天降凶災膏血及野隕殞社稷此皆忠貞格於鬼神帝王所首褒聖門所甚重而道之至著者也如此其仁知義烈也而不謂之道盡絕於道統之外則後儒所謂道不知其何道也君臣父子之倫祭祀婚喪之禮男女衣食之事自上逮於草野無有殊也所不一者上下之分儀禮之別耳徵之上古考於歷代未有舍此而可求至治者推而下之恐千萬世亦不能離也二帝三王皆以事業爲道德典謨訓誥記錄彰明戰國分爭始以攘奪爲事業謂之變可也非事業外又有所謂道

弘道書

十
怡蘭堂校刊

德以言無言天言心性言靜言理爲道德以事業爲伯術則後儒鼠雜謬誕而非聖門之舊古制所載不過以義制事以禮制心卑獲稷契未聞其談無爭性也尙書周禮無所謂會活潑潑地也版築魚鹽耕莘釣渭甘盤箕子何嘗從事冲漠無朕靜觀天理也孝經論語烏有主靜無欲也顏閔冉仲不言即物窮理本心良知也子使漆雕開仕如或知爾則何以哉顏淵問政子曰行夏之時乘殷之輅服周之冕樂則韶舞雍也可使南面而由也果賜也達求也藝於從政乎何有赤也束帶立於朝可使與賓客言也聖人教二三子如此故何塘云學以政爲大餘小節也蓋朝廷舉賢取其馭民治政之實才以勤勞二事而非欲其虛渺無稽之浮談以妄自尊大焉豈竊二氏之旨改亂古經以就其曲說者反可加諸聰明

元后器識良能之上哉甚矣道統私創違悖聖門與經不合也若聖人考次古籍國史筆削紀其實而是非自見非褒貶與奪任意而固也奸人亂國叛臣侮君在所必誅其餘安可任一己刻隘之私直斷已往難知之案夫運代不同猶四序之遞令而性情互異若水火之相隔也葛宜於夏冰雪滿庭而亦葛之裘宜於冬暑風炎熱而亦裘之市井之人罔不嗤矣古之達者就其所遭而致力焉夫才德高盛而拔於古難其人有數百年而後得之一人焉有百年而後得之一人焉有數十年而後得之一人焉有眾人之俊傑焉天道佑之鬼神助之遇時獲主立勳於時此國家之福祚而生民之大慶也故曰才難至於德盛者才常短才多者德常歉方正焉憤其忠義見事敢言然易激烈以生端和平焉思不出位近

弘道書

十一
怡蘭堂校刊

於明哲保身而於事又少擔荷此亦自古至今必不可得平之數也況生知少成千百未一二也閱歷深而明出錯誤悔而識長十有四五然才必出於德而後爲良才德必出於才而後爲盛德其次則德與才平而分多少焉才而不德恐爲亂階德而不才懼其失策服官政則才成其功處鄉黨則德著其善然朝廷所拔必先才賞罰所加必先功舍是何以綜理庶務表正百僚哉故歷代人才不一或識高而學淺或學瞻而識卑或文多而浮或武壯而暴或剛德而敗事或激昂以邀名或謀深而謗騰或名重而毀至或始而亡命江湖也後能立勳鐘鼎或其初託足匪類也繼乃望重朝端或辱身以就奸賊而曲忍全君或畏勢覺其難移而退避免禍或公忠體國事欲覈實而諸臣怨之或招呼同類朋黨害政而

天下稱之或爲眾所攻而未盡非或爲眾所宗而非無過或規模弘遠而人議其侈或守身清介而人議其固或剛正之質以溫厚爲怯懦或柔婉之哲以勁直爲乖張天下原非可一定不移爲衡宜百務精當國史所書代不數見此伊尹不求備於一人孔子論朱干玉戚豚肩不掩皆賢大夫也烏有一生事事無疵言言中節乎故過雖聖人不能盡無也在知悔在能改季文子曰過而能改民之上也用爲上大夫先代賢俊自庶僚以至於公卿歲月久遠而後至至者百無二三焉公卿矣而能表顯當世又百無二三焉補朝廷之缺救郡邑邊庭之難而成君德之仁皆幾經辛勤幾經磨鍊幾經曲折仆而復起退而復進敗而復成深思詳計而後身名昭著功業燦然也蘇洵云能以一藝成名於後世皆振古之奇人

弘道書

三 怡蘭堂校刊

而況將相勳庸耶宋世曲士陋儒志浮目狹未常鍊達輒馮枯竹衡量古人洗沙而數拔毛而度未悉之事閉戶以談往代之非意見爲刺削平生之勳德搜隙罅以爲罪晉劉毅稱自伊尼以上至於包羲莫不有失何獨責於中人哉誠爲至言夫固薄之論滿世忠恕之道全乖使識畧高賢遺簡冊欣恨九原此百世無已之大痛也殊未曉高明之瞰人人一所不能免道路之口悠悠有何足據況說傳誤聽當代流言已有隱微難白之冤至據事修詞歷世既遠又多愛憎不平之筆然一絲之類豈損連城數尺之殘不棄杞梓總之牛鉅免微羊白豕黑皆可以祭錦麗紛素絲重布粗皆可以服不因時量事細求其人必如吾意而後可以免議則亦悖矣則亦謬矣豈宋儒之言行盡無缺失何爲專詆一世與上誣

漢唐哉天地之大德曰生聖人之大寶曰位何以守位曰仁何以聚人曰財理財正辭禁民爲非曰義邵雍曰古今之時則異也而民好生惡死之心無異也故人臣不幸世治而遭值奸凶世亂而陷沒盜賊隱忍苟全性命保妻子以守宗祀未爲盡失惟相與煽亂爲可誅耳故生命人所甚惜也妻子人所深愛也產業人所至要也功名人所極慕也飢寒困辱人所難忍也憂患陷厄人所思避也義理人所共尊也然惡得專取義理一切盡舍而不合量之與論事必本於人情議人必兼之時勢功過不相掩而得失必互存不盡律人以聖賢不專責人以必死不以難行之事徒侈爲美談不以必用之規定指爲不肖後事之忠咸足以立身異時之善皆可以補過從古從今救時爲急或可或否中正爲宜偏堅

弘道書

三 怡蘭堂校刊

信宋儒刻隘臆說恐伊呂微箕生於漢唐亦多遺議矣詩云神之聽之終和且平所當盡絕語錄酷深之浮辭仍守經傳忠恕之定旨治國平天下實行於士大夫故周禮掌職六官次於公侯而聖門分科政事先於文學安得自以爲道而盡絕古今之賢序上古與歷代之名臣內外大小有政可紀有善可書以德行言語政事文學爲次廁於統典之後爲弼輔錄以復聖門之舊

元儒許衡曰以眾人望人則可以聖賢望人則無完人矣劉因讀史詩云紀錄紛紛已失真語言輕重在詞臣若將文字論心術恐有無邊受屈人二先儒之言乃千古痛心刻骨之論實從古經中得來眞聖門忠恕舊旨蓋見宋黜削漢唐太過自帝王與公卿儒賢莫不撥脂洗髓遺其毀刺故出此論以救之乃匡

謬正俗之急務也善乎願天堦之言曰朱諸君子乃始喜論古人堅執名理飾以辭辨是非褒貶不異繩之束坊之限後遂凜焉遵之而不敢易設有虛心默默細釋全史以世觀人以微觀顯以生平觀一節回視所遵成說其果合否惜乎古人之深大都沒於論者之淺矣

弘道書

古
怡蘭堂校刊

文武臣表

臣	文臣	弼輔於內	宣流
道	恩澤		
君			
帝	王	統御	
道			
臣	武臣	弼輔於外	振揚
道	威紀		

弘道書

十五
怡蘭堂校刊

天下之治羣黎樂業萬物遂其生皆法制禮義所繼特君相之功也故帝王乘天運而理物子子孫孫勵精勤政保育萬方此君之道也非良臣弼輔不可三公論道六卿分職百僚庶績罔隳修繕關堡肅勒軍伍討擒叛逆襄助清運此武臣之道也君統於上文武臣僚奉令守職自古至今無有踰此而可致治者後儒以靜坐談性辨理爲道一切舊有之實皆下之而聖門大旨盡失矣密少逢亂離屢受錢鏐深知朝廷者海宇之主也公卿者生民之依也稍有參差則弱之肉強之食此時心在腔子卽物窮理致良知有何補於救世豈古經之定旨哉言道而舍帝王將相何以稱儒說先子平日論次密老年益確信不疑

也

弘道書

十六

怡蘭堂校刊

道脈譜論

二帝三王前規制先聖孔子撰錄簡策定之爲經所以宣演敏
猷翼贊崇化傳七十子七十子又傳之如父於子子於孫使學者
謹守不敢亂紊悠久至今成爲道脈故道脈斷自先聖孔子始後
世去聖人日遠欲問聖人之道必以經文爲準不合於經虛僞曉
譁自鳴有得其誰信之經傳則道傳也秦人焚書經文盡失儒者
壁藏之塚藏之子若孫口授之二三門人討論纂述之保秘深厚
幸獲不墜經已絕復存者先秦諸儒之力也漢興下詔追尋大師
耆德收理舊業迥訓後起正定訛殘互述傳義共立學宮七十子
遺學未泯經久亡而復彰者漢儒之力也自漢而後中罹兵事書
傳佚落六朝以來諸儒於經注解音釋或得其遺以補亡脫至唐
始會爲十二經孟子古不列經
宋宣和後始入上自朝廷下逮草野皆有其書經
如絲復盛者魏晉隋唐諸儒力也采取整葺已成師資傳次千餘
年傳爲不刊之經改變古文蠶起而立臆說而遂行矣經旨廣大
稍平近實者亦不必盡剗削焉從漢而來歲月深長姓氏更改典
章不同諸儒奉經也我以爲宜人以爲不宜行之則成過我以爲
不宜人以爲宜不行亦成過矣況感恩不忘世多有之釋憾終身
古來無幾或無心之語而犯忌諱或偶事之失而成不解一怨橫
胸譏誅遂作意貶珠璣百升之歌詠檜之謗足以污盛德而亂聽
聞是非賢不肖之論未易悉數也故尙論者生不同時事不共歷
固宜考詳始終推量隱曲安可悉錄兩於聖賢而立論哉古人有
言難得而易失者時也不特此也難一而易一者心也難合而易

弘道書

七

怡蘭堂校刊